



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Prophetia Apocalyptic S. Joannis Apostoli**

**Kircher, Heinrich**

**Coloniæ Agrippinæ, 1676**

Tractatus XXXVI. In Reliquam Partem Capitis XXI.

**urn:nbn:de:hbz:466:1-39100**

S. Matthias Apostolis aggregatus  
eā sorte quæ cœlūs temperabatur  
(Prov. 16. v. 33.) gemina perlucens ni-  
tore totum Collegium 72. Discipulo-  
rum : & inter tot stellas instar Veneris  
pulchra; electa enim etiam præ illo cui  
nomen communi omnium fama Ju-  
stus. Sobtius ac vigil præ ceteris viris  
judicatus, ut fieret testis resurrectionis  
(ut dicitur Act. 1. v. 21. & 22.) cui co-  
lor humilis, ut novissimo : fulgor coa-  
postolatus præ aliis : & roseus excellens  
nitore in purpura martyrii. De illo

Græci in Menæis, & auctarium So-  
phronii apud S. Hieron. de scriptori-  
bus Ecclesiast. quod fuerit Apostolus  
Æthiopiæ. Et Nicephorus lib. 2. hist.  
Eccl. cap. 1. 40. *Matthias, inquit, pri-*  
*marum Æthiopiam adiit, atque ibi a fe-*  
*ris infestis, immanibusque gentibus multa*  
*pertulit.* Potrò Æthiopes æquè dicti  
sunt Indi ab Aristotele (in Elenchis,) à Virgilio, & à Geographis: Secun-  
dùm hoc ergo S. Matthias amethy-  
stus Indicus.

## TRACTATUS XXXVI.

### IN RELIQUAM PARTEM CAPITIS XXI.

de reliqua descriptione Civitatis.

### VERBA APOCALYPSEOS.

(Cap. 21. Vers. 21. & seqq.) *Et duodecim portæ duodecim marga-*  
*ritæ sunt, per singulas: & singule portæ erant ex singulis margaritis, &*  
*platea Civitatis aurum mundum, tanquam vitrum perlucidum. (v. 22.)*  
*Et templum non vidi in ea. Dominus enim Deus Omnipotens templum*  
*illius est, & Agnus. (v. 23.) Et Civitas non eget Sole, neque luna, ut lu-*  
*ceant in ea, nam claritas Dei illuminavit eam, & lucerna ejus est*  
*agnus. (v. 24.) Et ambulabunt Gentes in lumine ejus: & reges terræ*  
*affherent Gloriam suam & honorem in illam. (v. 25.) Et portæ ejus non*  
*claudentur per diem: nox enim non erit illuc. (v. 26.) Et affherent glo-*  
*riam & honorem gentium in illam. (v. 27.) Non intrabit in eam ali-*  
*quod coquinatum, aut abominationem faciens & mendacium, nisi*  
*qui scripti sunt in libro vita agni.*

. . . . .  
Ego dico vobis . . . . .  
F.

### De Margaritis portarum.

Portæ  
sunt A.  
postoli  
12.

Similes  
marga-  
ritis:

Genitu-  
rà:

**D**iximus in Tractatu 33. §. 2. Portas esse Apostolos: quod præferunt manifestè nomina inscripta v. 12. ipsi enim sunt Patriarchæ, duodecim id est omnium Tribuum, præfigurati per Patriarchas illos veteres cum suarum ab se tribuum ortu & nominatione. Atque ita de Portis æquè ac Fundamentis exposuerunt S. Augustinus unà cum S. Hieronymo suprà laudati. Restat, quod est hujus loci, ut Apostolos conferamus cum MARGARITIS: generatim, ut in Apocalypsi, sumptos.

Primò, de harum generatione in naturali historia Plinius lib. 9. cap. 35. nasci docet in mari, ex rore quem excipiunt conchæ de Cœlo. Has, inquit, (conchas) ubi genitalis anni stimulaverit hora, pandentes se quadam oscitatione impleri roscido conceptu tradunt: gravidas postea eniti: partimque concharum esse margaritas pro qualitate roris accepti: ex eo quippe constare: Celicque eis maiorem societatem esse quam maris: addit: inde à Cœlo, trahi colorem. & paulò post: miror ipso tantum eos (concharum partus) Cœlo gaudere.

Non potuit Auctor profanus comparationem afficer magis idoneam Apostolis: qui progeniti, ut erant in mari hujus saeculi, vaporatione fecundâ vocationis Dñi, & rore desuper gratiæ instillato (virtute ex alto, Luc. 24. v.

49.) velut in naturæ sunt divinæ confortium conversi, & evaserunt species luce, & efficaciâ cœlestes homines: qui plus multò habuerint de cœlo quām de sæculo in quo vixerunt.

2. *Principium ergo*, inquit Plinius l.c. culmènque omnium rerum pretiū, Margarite tenent. Certè: nam & in Evangelio, Matth. 13. v. 46. laus est pretiosæ margaritaræ, quam prudens negotiator estimat pluris omnibus terrenis: nempe doctrinam & vitam Apostolicam quæ valet pretium Regni cœlorum, & alio in loco (Matth. 7. v. 6.) vetatur mitti ante porcos.

3. Quid mirum autem de pretio? Raritate: per tot maria vententes, ait Plinius de ipsis margaritis. (quæ nos de Apostolis) tam longo terrarum tractu, è cantis Solis ardoribus, atque Indis quoque! Et in fine Capitis specimen pretij commemorat duos uniones: Utrumque, in Estimavit, possedit Cleopatra Ægypti Regina- rum novissima, per manus Orientis Regum sibi traditos, narrat illaricam Antonio inter epulas pactam fuisse, una se cœnâ centes H-S, absipiuram: quæ sunt decies centena millia monetæ argenteæ apud Romanos dictæ, nummus Sestertius, pergit porrò: sponsionibus factis, postero die quotidianam apposuisse cœnam Antonio expostulanti: mox detraictum auribus alterum è duobus unionibus aceto liquefactum

& cum absorbusse, victumque Antonium fuisse. addit Plinius: *Injecit alteri manum L. Plancus, index sponsionis ejus, eum quoque paranti simili modo absumere; ut sexcenties H-S. sola cœnaret!*

Paulò ante narraverat i. *Loliam Paulinam, quæ fuit Caii Principis matrona, vidi smaragdis margaritisque opertam, quæ summa quadringenties H-S. colligebat.* De Apostolis quis commo- moret estimationem qua eos prosequuntur Reges orbis Christiani!

**Dotibus:** 4. De ipsiusmet, in quo consistat ea- rūm laus, sic idem Plinius breviter l.c. *Dos omnīs in candore, magnitudine, orbe, labore, pondere.* Hæc convenienti Apostolis: quorūm candor sine labe: māgnitudo p̄r cæteris Sanctis: qui volubiles, quolibet mitrarentur (velut figura orbiculari:) quorum lavor & æquabilitas animi sine asperitate & scabritie: pondus sicut in verbo sic exemplo. quibus dotibus gratia in terrena civitate respondent dotes gloriae in æternā.

**Robore:** 5. Nullo ait l.c. Plinius, lapsu franguntur. Nullo casu adverso Apo- stoli.

**Vi medi- cinali:** 6. Medici testantur eas vii habere fistendi profluxum sanguinis: propulsandi venena: pesti ac putredini resi- stendi: roborandi spiritus vitales: cerebrum nervosque confortandi, exhilarandi animas. Omnia hæc Apo- stoli.

**Duratio- ne æter- na:** 7. Denique quod de Margarita scriptis Plinius; *eterna prop̄ possessionis est;* hoc de portis hujus Civitatis non proptermodum tantum est assertere, sed

omnino æternæ possessionis, sicut ipsa tota Civitas.

2. Eccē quem in finem expolitæ sunt & elaboratæ ab Opifice, non sine tensione multa mallei, omnes Apostoli ut portæ Cœli esse possent! Singulæque portæ, inquit Apocalypsis, singulæ Margaritæ, decoro sunt ordine ac proportione inter se locatae: verisque uniones (quod nomen Romanū dede- runt margaritis, apud Plinium) con- junctione & consensu ejusdem doctrinae atque officii: multumque aptā in- ter se varietate distributi: dum, sicut Propor- margaritæ variæ sunt pro qualitate ro- ratione in- pris accepti, ut diximus ex Plinio, ita ter se: Apostolorum quisque alias alio excel- luit dono ac divisione gratiarum. Unionis Cor. 12.v.4. & seqq. at omnes tamen signifi- prælustres uno eodemque Spiritu quo catione, lucent intra turris in Civitatem: præful- gidi ut margaritæ: aditu faciles ut por- tæ: numero duodecim, ut undique & versus omnem plagam mundi, nemo ut queri jure possit se non fuisse admis- sum. de hac significatione duodenarii Apostolorum, S. Augustinus in psal- Duode- tum 86. Ideò ait duodenarius numerus nario: Apostolorum. Sacramentum magnum hujus duodenarii significatio est numeri. Et mox: Sacramentum est cuiusdam Universitatis: quia per totum orbem ter- rarum futura erat Ecclesia, unde vocatur hoc adiunctum ad Christi compagm. & paulò post: quia undique intratur in illam Civitatem, duodecim portæ sunt.

3. Has duodecim portas, ait S. Hieronimus in Ezechiēlem cap. 43. singulis & numero Tribubus, sub Apostolicis & Patriarcha- ro Tri- rum nominibus arbitrari delegatas: id ba- est,

est, assignatae sunt pro duodecim Tribubus sub inscriptione & præsidio duodecim Apostolorum, qui iidem sunt tanquam Patriarchæ fidelium. *Ista sunt*, ait Hieronymus ibidem, *margarite Prophetarum & Apostolorum*: eodem loquendi modo & sensu de Portis quo de Fundamentis Apostolus Eph. 2.v.20. super ædificati super Fundamentum Apostolorum & Prophetarum.

Margaritarum etiam meminit sancta Ecclesia in suo Hymno, quem concinnavit ex Apocalypsi planè allegoricum: qui incipit quod sit Civitas & quænam: Cœlestis Urbs Jerusalem,

Beata pacis Visio; veneratur quod Sponsa: O sorte nupta prospera! de portis: Hie margaritis emicant Patentesque cum ostia de lapidibus artificiosè quadratis: Scalpri salubris iætibus. Et tunzione plurimâ Fabri posita malleo. Hanc saxa molem construant.

Et inter opera S. Augustini adscriptus (tomo 9.) liber meditationum in Hymno:

*Ubi vivis margaritis surgunt ædificia:  
Auro celsa micant tecta, radiant triclinia:  
Solis gemis pretiosis haec structura nititur:  
Auro mundo, tanquam vtero, urbis via  
sternitur. de quo in §. seq.*

## §. II.

### De platea: templo: lumine.

1. PLATEA, inquit v.21. CIVITATIS AURUM MUNDUM, TANQUAM VITRUM PERLUCIDUM.

Platea Civitatis quid, tota una cohabitantium consociatio & charitas, fundata in una eademque omnium essentiali Beatitudine. Hæc communio Sanctorum & socialis conversatio cum invicem, conspicua est ut aurum, perspicua ut vitrum mundissimum: ad imitationem lapidis pretiosi Chrysolithi, quem ex Plinio diximus esse aureo colore translucidum: de quo lapide Isidorus: *auro similis est cum marini coloris similitudine*. propter quam Hebraicè dicitur lapis Tharsis: & Ezechielis cap. 10. v.9. ubi habetur in Hebreo, *visio lapidis*

*Tharsis*, Latina vulgata interpretatio translulit, *visio lapides Chrysolithi*; qui nimicum ita sit aureus, ut instar maris (quod est Tharsis) aut vitri pellucidus. Talis est convivientium pariter omnium cælitum illius Civitatis re æ nomine verè Platea, sine angustia, dilatissimo spatio charitatis: non sicut in terris ubi homines faciunt invicem angustias. quod si de his ipsis S. Augustinus (ser. 10. de verb. Dom.) dixit; si angustantur vasa carnis, dilatentur spatiacharitatis; quæ communio inter se amicitiae atque amoris latius diffusa & æquè omnes complexa cives, quam illa cœlestium incolarum flagrantior auro, dilucidior omni vitro mundo, ubi omnes qui toto morantur in Regno

gno amplissimo, conjunctissimi vicini sunt!

Quod autem de Platea; idem v. 18. dictum est de tota civitate: ita ut ædificatio tota sit aurum; non tantum præstans, solidum, ac splendidum; sed etiam ejusmodi ut perspicuitate simile sit vitro purissimo. quò significetur jucunditas quā se mutuò Beati perspicient clarissimè; & gloriam gaudiumque cuiuscunque; tum etiam cogitationes intellectus & actus voluntatis omnium patebunt omnibus: perinde ac si specula sint vitrea, nitida, lucidissima: summo cum mutuo aplausu & gratulatione de uniuscujusque gaudio tanquam de suo. De qua jucunditate S. Augustinus in man. cap. 35. Ergo quid erit (communis gaudii!) in illa perfecta charitate innumerabilium beatorum Angelorum & hominum, ubi nullus diligit alium minus quam seipsum? non enim alter gaudebit unusquisque pro singulis aliis, quam pro seipso. Si ergo cor hominis de tanto bono suo vix gaudium suum capiat: quomodo capax erit tot & tantorum gaudiorum! &c. tantā in latitudine societatis simul habitantium.

pro tem-  
plo est  
Deus  
& Ag-  
nus.

2. TEMPLUM, ubi adoratur, & id quod est in Civitate Sanctorum omnium, non est aliud (v. 22.) quam DOMINUS DEUS OMNIPOTENS: qui suam infinitam sanctitatem Domini, Deitatis, Omnipotentiae manifestat facie ad faciem, & contemplandam proponit. Neque aliud jam Templi usus vel sacerdos vel hostia praterquam AGNUS: qui est omnia eminenter ipse, & *Templum cor-*

*poris sui (Joan. 2. v. 21.) in quo inhabita-*  
*tat omnis plenitudo Divinitatis corporali-*  
*ter: Col. 2. v. 9.*

Pro Sole  
quid?

Quod de Templo; hoc de SOLE dicendum: quo NON EGET alio NEQUE LUNA (v. 23.) UT LUCEANT IN EA, & ut ad quod condita sunt Gen. 1. v. 14. dividant diem ac noctem & sint in signa & tempora & dies & annos. quia nulla vicissitudo erit illuc diei & noctis aut temporum: id quod S. Augustinus eleganter exprimit in psal. 26. v. 4. desiderat, inquit, *omnes dies vita sue in domo Domini habitare; in domo Domini omnes dies vita sue, non quasi finiendos, sed aeternos: sic enim dicuntur dies, quomodo anni, de quibus dictum est, Et anni tui non deficient: nam dies vita eterna unus dies est sine occasu.* Sed (v. citato Apoc.) CLARITAS CLARITAS seu gloria DEI IL<sup>L</sup> DEI, id LUMINAVIT EAM; Divinitas est Divi- quæ se illuc videndum præbet, ad quam nitas visa nulla claritas accedit Solis aut alia creata. De hac Claritate, & de Lumine cuius auxilio ea videtur, facta est mentio superiùs in versum II. Tracta- tu 33. §. 1. in fine.

Sed quid est quod sequitur? ET Lucerna LUCERNA EJUS EST AGNUS. corpo- quorsum adhuc Lucerna in tantâ Cla- rea est ritate? Nempè Divinitas oculos illuminat & implet animarum Beatarum: Lucerna verò corporibus est; quæ etiam ipsa, quantum sunt capacia, in admirabili luce versantur. Horum lucer- na est, ut loquitur S. Augustinus in psal. 142. Dominus Jesus tanquam in testa carnis: in qua sic recreat corpo- reos oculos Beatorum, ut ad eum et iam

iam splendorem nihil admodum sit iste Solis aut Lunæ aut siderum fulgor.

3. ET IN LUMINE EJUS (Græcè *ἀυτῆς*) Civitatis, v. 24. AMBULABUNT GENTES quotquot sal-

Gloria' vœ fiunt: ita enim in Græco: *χαὶ τὰ gentium θύν τῶν σωζομένων ἐν τῷ φωτὶ αὐτῆς* & Regū. *περικατήσθαι.* Verba sunt Isaiae cap.

60. v. 3. ambulabunt, ait Propheta, *genses in lumine tuo.* Quod de gentibus, Ecclesiæ militantis oraculum, impletur in Civitate Beata ad quam ambulaverunt & salvæ factæ sunt.

ET REGES TERRÆ AFFERENT GLORIAM SUAM ET HONOREM IN ILLAM. Addit Isaiae l. c. & *Reges in splendore ortus tui*: non solum illi Sancti Reges qui olim in terris: sed omnes Beati erunt confortes Regni & coronæ, ac totidem Reges juxta id quod dicitur Cap. sequente v. 5. REGNABUNT *in secula seculorum.* Hi pariter omnem suam eō transcriperunt gloriam, & honorem meritorum quæ illuc accumulabunt.

Portæ Jam illud quām est Beatæ securitatis nō claudentur: (v. 25.) nam quod dixerat Isaiae de Ecclesia militante, cap. 60. v. 11. Et ape-

rientur portæ tuae jugiter, die ac nocte non claudentur, ut afferatur ad te fortitudo Gentium & Reges earum adducantur: hoc S. Joannes aliter de hac Civitate, adductis jam in hanc Gentibus & Regibus: PORTÆ EJUS, inquit, Per diēs; NON CLAUDENTUR PER qui per DIEM: & addit: NOX ENIM petuus. NON ERIT ILLIC: sed ut ait S. Augustinus in psal. 144. *sine fine unus dies.* Quam ob rem nomen perpetuum Civitati Visio pacis: quippe, ubi & jugis sit *Visio* nt in die, & *Visio pacis*, perinde ac portis non clausis.

Concludit (v. 26. & 27.) ita afferendam illuc, quod dixerat, GLORIAM ET HONOREM GENTIUM: ut NON intret IN EAM Nil co- ALIQUOD COINQUINA- inquinatum, AUT quod abominationem facere possit Beatis, ET subintrando illudere mendacio simulatæ sanctitatis: sed ut mera Civitati munditia, incolis jucunditas, veraque sanctitas cunctis: Isa. 60. v. 21. *populus autem tuus omnes iusti:* hi, ut S. Joannes, verbis ultimis hujus Capitis, QUI SCRIPTI SUNT IN LIBRO immutabili VITÆ æternæ, charactere gratiae AGNI ac perseverantiæ in illa.

### §. III.

#### De comparatione hujus Civitatis cum illa que est apud Ezechielem.

##### Relatio

ad Eze- 1. Patet ex dudum dictis, quod re- chielem: spiciat Joannes Ezechielem, im-

mō ejus utatur verbis: ac proinde quod sit relatio inter Civitatem hanc, & inter

*edifi-*

adfectum illud Civitatis quod vidit Ezechiel inde à Capite 40. (v. 2.) usque in quadragesimum octavum, qui est finis Visionis illius & totius prophetiae, ubi (v. 31.) eundem, quem Apocalypsi, numerum recitat & situum portarum: *Et portæ ait, Civitas ex hominibus tribum Israël: portæ tres à septentrio-*

*næ, &c. ternæ ex omni parte ad Orientem, Meridiem, & Occidentem. Quæ est relatio similitudinis inter utramque: sicut & quadrum Civitatis: & is de quo in Tractatu sequente fluvius cum sua ripa fructifera: & illud Ezechiel versu ultimo, nomen Civitatis Dominus ibidem.*

2. Est autem & relatio disparitatis, seu discrimen præcipuum: quod illa, de qua Ezechiel sit Civitas castrensis & mobilis: figurata per Castra quæ Num. 2. v. 2. & seqq. erant per gyrum Tabernaculi. quæ Civitas significat Ecclesiam adhuc militantem, manu armatâ, & moventem castra per medios hostes: usque ad promissam terram quæ futura est viventium in æterno triuimpho, sine mutatione & hoste, ubi erit possessio pacis versus omnes partes unde fuerat intratum. Hanc triumphantem intelligit Joannes in Apocalypsi.

3. De hac relatione, & de figura veteri, ineminit etiam S. Hieronymus in

Figura  
utriusq,

Caput 48. Ezechielis? Breviter admittendum, easdem Tribus in circuitu Tabernacula ita castrametatas, ut ad Orientem fuerit Iudas &c. Nostra vero urbs quæ est Civitas magni Regis, cuius artifex & conditor est Deus aliam habet Tribuum in terra sancta (utraque; pugnante, & victoriola) descriptionem, & mensuram civitatis, possessionis ordinem, & plagas tribum singulorum.

Similis est mentio figuræ, ac distinctio apud S. Augustinum (in psal. 86.) inter Tabernacula Jacob (ea sunt Civitas castrensis) & inter hanc Civitatem manentem. Sed quia, inquit, erant quadam Tabernacula temporalia & imaginaria (imagines futuri,) loquitur autem iste, id est Psalmus Propheta, de Civitate quadam quam spiritualiter intelligi, cuius umbra & figura erat illa terrena: ait, diligit Dominus portas Sion super omnia Tabernacula Jacob: diligit illam spirituali Civitatem super omnia figurata, quibus intimabatur illa Civitas semper manens &

Cœlestis in  
pace.

\* \* \*

## Pars II.

### V

## TRACTA-

